

Alam Wanita

Soal talak dalam Islam

(12)

Masalah isteri nusyuz (ingkar), yang kadang-kadang digantung tidak bertali, masalah beristeri lebih dari satu atau (poligami), dan masalah talak, selalu menjadi perbincangan masyarakat.

Masalah-masalah ini telah dihuraikan oleh Dr. Ali Abdal Wahid Wafi, Mesir dalam bukunya:

Bayt al-ṭā‘ah wa ta‘addud al-zawjāt, wa al-ṭalāq fī al-Islām

Huraiannya yang berharga ini kita siarkan di sini dengan harapan menjadi penerangan yang berguna tentang kedudukan masalah-masalah ini yang sebenarnya.

Dalam bilangan-bilangan yang lalu, telah dihuraikan satu persatu tentang masalah yang pertama (soal isteri nusyuz), dan masalah yang kedua (soal berbilang isteri). Mulai dari bilangan 144 yang lalu dan seterusnya, pengarangnya, menghuraikan pula masalah yang ketiga – “soal talak dalam Islam”

(Diterjemahkan oleh: Abdullah Basmeh)

Peraturan Talak Dalam Islam

Keadaan Yang Membolehkan Dan Kedudukannya.

(2)

talak. Jelasnya, Islam telah menetapkan bahawa apabila seseorang

suami menceraikan isterinya maka wajiblah ia membayar

mas kahwin yang terhutang dan memberikan nafkah makan

dan pakaian serta tempat tinggal kepada isterinya, selama

isterinya itu dalam idah. Isterinya juga berhak memelihara

anak-anaknya yang masih kecil, dan hak-hak itu berpindah

kemudian daripadanya kepada kaum kerabatnya yang perempuan untuk

memelihara anak-anaknya itu sehingga mereka besar. Suami pula

wajib memberikan nafkah anak-anaknya dan gaji orang-orang yang

membela dan menyusunya, sekalipun ibu mereka sendiri

yang menjalankannya. Tentang ini Allah Ta’ālā berfirman:

“fa in araqna lakum fa’atū hunna ujurahunna”

(6. Surah At-Talak)

Ertinya: “Maka jika mereka menyusui anak-anak bagi kamu, maka berikanlah mereka upah-upah mereka”

Kalau majlis Tahkim orang tengah itu tidak dapat mendamaikan kedua suami isteri yang tersebut, dan segala cara dan ikhtiar tidak juga dapat mendamaikannya, serta tidak dapat melentur si suami daripada azamnya hendak bercerai, maka yang demikian adalah menjadi dalil atas wujudnya perkara yang besar yang membahagiakan ketenteraman keluarga, dan bahawa kehidupan perkelaminan itu telah kehilangan asas-asasnya yang utama.

Pada saat yang demikian itu, Islam membenarkan suami menjatuhkan talak untuk kebaikan keluarga itu sendiri dan untuk melaksanakan kebaikan umum.

Dalam hal yang seperti ini pun, Islam telah juga menyediakan ikhtiar untuk menghadapi perkara itu, lalu ditetapkan peraturan-peraturan bagi talak yang membolehkan si suami dalam masa menjalankan urusan pencarian mendapat satu kesempatan yang lanjut untuk berfikir panjang dan membatalkan apa yang hendak dilakukannya itu, kalau masih ada jalan untuk membiarkan hidup mereka sebagai suami isteri berkekalan seperti sedia kala.

Dalam hal ini, Islam menetapkan supaya suami setelah habis segala ikhtiar (yang mencegah talak) sebagaimana yang disebutkan tadi, mengambil langkah yang pertama iaitu: menceraikan isterinya dengan talak satu (talak yang boleh rujuk) dalam masa isterinya berkeadaan suci dan sebelum bercampur dengan dalam masa yang tersebut. Islam menetapkan yang demikian itu, kerana masa itu kemahanan lelaki penuh sempurna terhadap

perempuan. Si suami tidak akan bertindak akan bertindak menceraikan isterinya dalam masa kemahuannya penuh sempurna terhadap isterinya melainkan kerana ia sangat-sangat hendak bercerai hal yang demikian menjadi dalil tentang adanya keadaan yang berbahaya yang menghendaki talak itu dijatuhkan.

Tentang ini Allah ‘Azza wa Jalla berfirman:

“Yā ayyuha al-nabiyu idhā taqṭumu al-nisā’afatalliqūhunna li ‘iddatiḥinna”¹

Ertinya: “Wahai Nabi, apabila kamu ceraikan isteri-isteri, hendaklah kamu ceraikan mereka untuk idah mereka”

Yakni ceraikan mereka dalam permulaan idah mereka.

Ini tidak boleh berlaku melainkan apabila ia (si suami) menceraikan isterinya ketika ia dalam keadaan suci dan sebelum bercampur dengan dalam masa yang tersebut, kerana masa haid atau masa suci, yang di dalamnya si suami bercampur dengan isterinya tidaklah terhitung daripada idah.

Lebih lanjut, dalam hal ini, Allah Azza wa Jalla berfirman:

“Wa aḥṣū al-‘iddah. Wattaqū Allāha rabbakum, lā tukhrījūhunna min buyūtihinna wa lā yahrujna illā an ya ‘tīna bifāhishatin mubayyinah, wa tilka ḥudūdū Allah wa man yata ‘adda ḥudūda Allāh faqad ẓalama nafsah, lā tadrīlā ‘alla Allāh yuḥdīthu ba ‘da dhālikā amra. Faidhā balaghna ajalahunna fa ‘amsikuhunna bi ma ‘rūfin aw fāriqūhunna bi ma ‘rūf”

(1-2, Surah al-Talāq)

Ertinya: “dan hitunglah kamu akan idah itu, dan bertakwalah kepada Allah: Tuhan kamu. Janganlah kamu keluarkan mereka dari rumah-rumah mereka, dan janganlah pula mereka keluar (daripadanya), kecuali kalau mereka melakukan kejahatan yang nyata, yang demikian itu ialah hukum-hukum Allah, dan barang siapa melanggar hukum-hukum Allah maka sesungguhnya ia menganiayai dirinya sendiri. Engkau tidak mengetahui, harus Allah melakukan sesuatu perkara kemudian daripada

¹ Surah al-Talāq: 1

itu. Oleh itu apabila mereka sampai kepada had genapnya idah mereka, maka hendaklah kamu tahan mereka dengan cara yang baik, atau kamu lepaskan mereka dengan cara yang baik.”

Dalam ((al-Muwatṭā’)), Imam Malik meriwayatkan daripada Nāfi‘: Bahawa Abdullah bin Umar – dalam zaman Rasullullah *ṣallā Allāhu ‘alayhi wa sallam* – telah menceraikan isterinya ketika datang haid. Saiyidina Umar pun bertanyakan perkara itu kepada Rasulullah, lalu baginda bersabda:

“Murhu falyurāj‘ihā, thumma liyumsikhā ḥatta taṭhur, thumma taḥīḍ thumma taṭhur: thumma in shā‘a amsaka ba‘du, wa in shā‘a ṭallaqa qabl an yamassa: fa tilka al-‘iddah al-latī amara Allāh an yuṭallaq lahā an-nisā¹. (Riwayat Bukhari dan Muslim)

Ertinya: “Suruhlah ia (Abdullah bin Umar) rujuk akan isterinya, kemudian hendaklah ia menahannya sehingga ia suci daripada haidnya, setelah itu (hendaklah ia menunggu) sehingga isterinya datang lagi dan suci semula. Selepas itu jika ia suka hendaklah ia menahan (menjadi isterinya seperti sedia kala), dan jika ia hendak bercerai bolehlah ia menceraikannya sebelum bercampur dengannya. Yang demikian ini ialah “idah” yang telah diperintahkan Allah supaya perempuan-perempuan itu diceraikan kerananya”

Rasulullah *ṣallā Allāhu ‘alayhi wa sallam* dengan sabdanya ini telah menarik perhatian kepada firman Allah taala yang maksudnya: “Wahai Nabi! Apabila kamu menceraikan isteri-isteri, maka ceraikanlah mereka untuk idah mereka.”

Yakni hendaklah talak itu dijatuhkan dalam peringkat permulaan idah iaitu dalam masa si isteri berkeadaan suci dan sebelum si suami bercampur dengannya ketika itu.

Inilah dia peraturan talak di dalam Islam, dan inilah dia cara-cara melakukannya yang ada nasnya (keterangannya)

di dalam al-Qur'an al-karim dan al-hadīth al-sharīf menjatuhkan talak menurut cara yang lain daripada ini adalah menyalahi bagi hukum-hukum yang telah diperundang-undangkan oleh Islam, bahkan tidak dapat dijadikan satu perkara yang menyebabkan berlakunya perceraian dalam setengah-setengah mazhab, iaitu mazhab-mazhab yang bersesuaian dengan nas-nas yang terkandung di dalam al-Qur'an dan hadis sebagaimana yang disebutkan tadi.

Dalil yang lebih terang tentang itu ialah setengah daripada hadis-hadis Nabi ada menyebutkan bahawa Rasulullah *ṣallā Allāhu ‘alayhi wa sallam* tidak mengira talak yang telah dijatuhkan oleh ibn Umar itu kepada isterinya yang sedang dalam haid dan tidak disifatkan sebagai talak satu. Mengenai peristiwa ini, ibn Jarīr telah meriwayatkan daripada Abi al-Zubayr, bahawa ia mendengar Abdul Rahman bin Aimān bertanyakan ibn Umar tentang itu, lalu dijawab oleh ibn Umar, bahawa Rasulullah *ṣallā Allāhu ‘alayhi wa sallam* “telah mengembalikan dia kepada aku dengan tidak memandang perkara itu apa-apanya” yakni tidak dikira jatuhnya talak yang tersebut. (*)

Apabila seorang lelaki menjatuhkan talak satu, itu talak rujuk yang pertama, ia bebas memilih di antara

***) Riwayat ini bersalahan dengan riwayat Bukhari, (maksudnya): Diriwayatkan daripada ibn Sirin, katanya: Aku telah mendengar ibn Umar berkata, bahawa ia telah menceraikan isterinya ketika datang haid, lalu Umar (ayahnya) menyebutkan perkara itu kepada Rasulullah *ṣallā Allāhu ‘alayhi wa sallam*, baginda pun bersabda: “falyurāj‘uhā”. (Ertinya, hendaklah ia rujuk akan isterinya). Aku pun berkata: “Adakah itu dikira?” jawabnya: “Mengapa tidak?”**

Satu riwayat lagi: Sa‘īd bin Jabīr meriwayatkan daripada ibn Umar, katanya: “Talak itu terhitung atasku dengan talak satu”

¹ Perumian Hadith ini adalah berdasarkan Hadith sebenar.

dua perkara:

Pertama: hendaklah ia rujuk akan isterinya ketika isterinya sedang dalam idahnya. Idah itu mengambil masa yang lanjut – mencapai tiga kali suci daripada haid, yaitu kira-kira tiga bulan bagi perempuan yang tidak hamil (mengandung), dan mengambil masa mengandung seluruhnya – bagi perempuan hamil. Islam memberikan peluang yang lanjut kepada suami yang telah menjatuhkan talak supaya berfikir panjang dalam masa yang tersebut, dan mengembalikan isterinya semula (rujuk) kepadanya dalam masa itu jika masih ada jalan lagi untuk mengekalkan kehidupan berkelamin. Demikian juga, bagi memudahkan supaya hidup berkelamin itu berkekalan, Islam menetapkan bahawa rujuk yang seperti itu tidak berkehendak kepada sebarang peraturan atau upacara untuk menguruskannya. Rujuk itu akan sempurna, sebaik-baik si suami berhubung dengan isteri yang diceraikan itu, atau menciumnya, dan sebagainya. Sebagaimana juga rujuk itu akan sempurna dengan hanya si suami berkata: “aku rujuk akan isteriku” (*rāja ‘tu imrā’ati*), atau dengan kata-kata yang seumpama itu.

Oleh hendak membanyakkan sebab-sebab yang menarik kepada melakukan rujuk dan menjadikan si isteri kekal di tangan suaminya, Islam mewajibkan suami supaya jangan mengeluarkan isterinya yang telah diceraikan itu dari rumah tangganya selama ia masih dalam idahnya.

Tentang ini Allah Ta‘ālā berfirman:

“*Yā ayyuha al-nabiyyu idhā talaqtumu al-nisā’ a faṭalliqūhunna li ‘iddatihinna*”²

Ertinya: “Wahai Nabi! Apabila kamu menceraikan isteri-isteri, hendaklah kamu ceraikan mereka untuk edah mereka.”

Dan seterusnya Allah berfirman:

“*Lā tuḥrijūhunna min buyūtihinna walā yaḥrujna illā an ya ḫīna biṣāḥishatin mubayyinah*”³

Ertinya: “Janganlah kamu mengeluarkan mereka dari rumah-rumah mereka, dan janganlah pula mereka keluar (daripadanya), kecuali kalau mereka melakukan kejahanatan yang nyata”

(Kedua-dua potongan ayat ini ialah dari ayat yang pertama Surah al-Ṭalāq).

Al-Qur'an al-Karim memberi isyarat tentang kelebihan rujuk dan mengekalkan isteri di tangan suaminya. Firman Allah Ta‘ālā:

“*Wa bu ‘ūlatuhunna aḥaqqu biraddihinna fī dhālikā in arādū iṣlāha*” (228, Surah al-Baqarah).

Ertinya: “Dan suami-suami mereka berhak menarik balik mereka di dalam keadaan demikian itu (dalam masa idah) jika mereka mahu melakukan kebaikan (damai).”

Al-Qur'an telah mensifatkan perbuatan menarik balik isteri yang telah diceraikan itu ialah satu perbuatan yang memperbaiki apa yang telah berlaku.

Al-Qur'an juga memberi isyarat tentang itu dengan firman Allah taala dalam Surah al-Ṭalāq:

“*Yā ayyuha al-nabiyyu idhā talaqtumu al-nisā’ a faṭalliqūhunna li ‘iddatihinna, wa aḥṣū al-‘iddah wattaqū Allāha rabbakum. Lā tuḥrijūhunna min buyūtihinna walā yaḥrujna illā an ya ḫīna biṣāḥishatin mubayyinah, wa tilka ḥudūdu Allāh. Wa man yata’adda ḥudūda Allāhi faqad ẓalama nafsahu.*

Ertinya: “Wahai Nabi! Apabila kamu menceraikan isteri-isteri, maka hendaklah kamu ceraikan mereka untuk idah mereka, dan hitunglah idah itu, dan bertakwalah kepada Allah: Tuhan kamu, janganlah kamu keluarkan mereka dari rumah-rumah mereka, dan janganlah pula mereka keluar (daripadanya), kecuali kalau mereka melakukan kejahanatan.

Sambungan pada muka 27.

² Surah al-Ṭalāq: 1

³ Surah al-Ṭalāq: 1

Soal Talak dalam Islam

Sambungan dari muka 18

“Yang nyata yang mendamaikan itu ialah hukum-hukum Allah, dan barangsiapa melanggar hukum-hukum Allah itu, maka sesungguhnya ia menganiaya dirinya sendiri.”

Ayat suci itu di tutup dengan firmannya:

“lā tadrī la ‘alla Allāha yuhdīthu ba ‘da dhālika amra”¹

Ertinya: “Engkau tidak mengetahui, harus Allah melakukan sesuatu perkara kemudian daripada itu.”

Jelasnya, al-Qur'an al-Karim yang memberi isyarat bahawa Allah 'Azza wa Jalla telah memperundang-undangkan supaya talak dijatuhkan pada permulaan idah, yakni dalam masa isteri berkeadaan suci, sebelum suami bercampur dengannya ketika itu, dan telah memperundangkan supaya si isteri tinggal selepas itu di rumah suaminya sepanjang masa idahnya.

Suaminya itu diperundang-undangkan untuk memberikan peluang yang lebih lanjut masanya kepada suami supaya ia berfikir panjang, dan supaya bertambah banyak sebab-sebab yang akan menariknya kepada melakukan rujuk dan mengekalkan isterinya dalam pemeliharaannya. Dengan yang demikian moga-moga Allah melakukan sesuatu perkara selepas itu, yang berakhir si suami akan membantalkan azamnya dan rujuk akan isterinya.

Perkara yang kedua pula, yang diharuskan bagi suami melakukannya kemudian daripada ia menjatuhkan talak yang tersebut, ialah: hendaklah ia meninggalkan isterinya sehingga sempurna idahnya. Dengan jalan itu menjadilah isterinya ditalakkan dengan talak satu yang nyata (*talaqah bā'i'nah*).

Walaupun demikian, Islam masih mengambil berat

supaya perikatan suami isteri itu berkekalan dan dapat memperbaiki apa yang telah berlaku. Iaitu dibolehkan suami mengambil balik akan isterinya yang telah diceraiakan itu dengan akad dan mas kahwinnya yang baharu.

Apabila ia rujuk akan isterinya dalam masa idahnya, atau berkahwin dengannya bagi kali yang keduanya dengan akad dan mas kahwinnya setelah habis idahnya, kemudian berlaku perselisihan antara mereka berdua yang menyebabkan ia (suami) berazam sekali lagi hendak menceraikannya, wajiblah ia pada kali ini mengikut jalan-jalan itu juga, yang telah ditetapkan oleh syarak baginya pada kali yang pertama. Islam juga, pada kali yang kedua ini memberikan peluang-peluang kepadanya supaya ia rujuk akan isterinya sebagaimana yang diberikan pada kali yang pertama dahulu.

Apabila ia berbalik semula hidup dengan isterinya dengan jalan rujuk dalam masa idahnya, atau dengan akad setelah selesai idahnya, dan setelah ia menceraikannya dua kali, maka tidak ada yang tinggal lagi baginya atas isterinya itu melainkan satu talak sahaja.

Apabila ia menjatuhkan talak itu atas isterinya dalam keadaan-keadaan yang telah lalu keterangannya, maka yang demikian itu menjadi dalil bahwa perkara itu tidak dapat diperbaiki lagi, dan bahawa kehidupan berkelamin tidak dapat ditanggung oleh kedua suami isteri itu, dan bahawa pada tiap-tiap kali mereka cuba hendak memperbaikinya, bertambah kacau lagi kedudukan perkara itu. Pada saat yang demikian, Islam menetapkan hendaklah keduanya dipisahkan bagi kali yang akhir. Perempuan itu tidak halal lagi baginya sesudah itu sehingga lenyap sama sekali kesan-kesan akad nikah yang pertama dan kehidupan berkelamin yang pertama dahulu. Ini tidak akan dapat dilakukan melainkan setelah perempuan itu berkahwin dengan

¹ Surah al-Talāq: 1

lelaki yang lain, dan habis perhubungannya dengan lelaki itu dengan talak secara biasa, dan keduanya (perempuan itu dan suaminya yang pertama) memandang setelah berlalu masa yang panjang itu, dan setelah berubah segala hal keadaan menurut cara yang tersebut, bahawa keduanya dapat mengembalikan perhubungan mereka yang pertama dahulu menurut cara yang lebih baik.

Tentang ini, Allah ‘Azza wa Jalla berfirman:

“*al-talāqu marratāni fa’ imsākun bima’rūfiñ aw tasrīhum bi ihsān*” (229, surah Al-Baqarah)

Ertinya: “Talak itu dua kali, sesudah itu hendaklah isteri itu ditahan (dipelihara) dengan cara yang baik atau dilepaskan dengan cara yang baik”.

(3) Firmannya lagi:

“*tilka ḥudūdu Allāhi falā ta’tadūhā wa man yata’adda ḥudūdu Allāhi fa’ulā’ika humu al-żālimūn. Fa’in ṭallaqahā falā taḥillu lahū mim ba’du ḥattā tankiḥa zawjan ghayrah, fa’in ṭallaqahā falā junāḥa alayhimā an yatarāja ‘ā in ẓannā an yuqīmā ḥudūda Allāh, wa tilka ḥudūdu Allāhi yubayyinuhā liqāwmin ya’lamūn.*” (229-230, surah Al-Baqarah)

Ertinya: “Yang demikian itu ialah, hukum-hukum Allah maka janganlah kamu melanggarnya. Dan barangsiapa melanggar hukum-hukum Allah maka mereka itu ialah orang-orang yang zalim. Selepas itu, jika ia talak akan dia lagi (bagi kali yang ketiga) maka tidaklah dia menjadi halal baginya kemudian daripada itu hingga ia berkahwin dengan kali yang lain.

Kalau pula suami yang kedua talak akan dia, maka tidaklah menjadi salah bagi keduanya (perempuan itu dan suami yang pertama) kalau mereka kembali semula berkahwin jika mereka memandang bahawa mereka dapat mendirikan

hukum-hukum Allah, dan yang demikian itu, ialah hukum-hukum Allah, dijelaskannya kepada kaum yang hendak mengetahuinya.”

Inilah dia cara-cara menjatuhkan talak yang ada keterangannya di dalam al-Qur'an dan al-sunnah. Menjatuhkan talak menurut cara yang lain daripada ini adalah menyalahi akal apa yang telah ditetapkan hukumnya oleh Islam.

Benar, bahawa Saiyidina Umar bin al-Khattab telah meluluskan dalam zaman pemerintahannya beberapa jenis talak yang tidak bersesuaian dengan peraturan talak yang ditetapkan oleh syarak, di antaranya ialah talak yang dijatuhkan oleh suami kepada isterinya dengan tiga talak yang berturut-turut pada tempat yang satu, atau pada masa yang satu – yang di dalamnya si isteri berkeadaan suci. Tetapi sebabnya Saiyidina Umar meluluskan talak yang sedemikian itu ialah kerana kebanyakan orang ramai pada zamannya mempermudah kehormatan perkahwinan, dan banyak talak pula yang telah dijatuhkan oleh mereka dengan cara-cara yang tidak dibenarkan oleh syarak. Tujuan mereka untuk menakut-nakutkan isteri-isteri mereka supaya berasa gerun dan berhati-hati daripada menimbulkan kemarahan suami-suami, dan dengan itu dapatlah memelihara perpaduan masyarakat rumahtangga. Oleh itu, Saiyidina Umar cuba bertindak secara keras tehadap kaum lelaki yang sedemikian itu lakunya, dan mengenakan balasan dari jenis perbuatan mereka sendiri, sehingga mereka menjauhkan diri (dari perbuatan menjatuhkan talak yang seperti itu) dan jeran daripada melakukan perkara yang salah itu, serta memelihara baik-baik akan kesucian perkahwinan dan kehormatannya, dan juga supaya mereka tidak mempermain-mainkan lafaz talak. Saiyidina Umar pun meluluskan talak yang mereka jatuhkan itu, yang menyalahi cara yang ditetapkan oleh syarak. Lalu berkata

tentang itu dengan kata-katanya yang masyhur, yang menerangkan dengan sejelas-jelas akan tujuannya:

“Ayyuha an-nās qad kāna lakum fi al-ṭalāq anātūn. Wa annāhu min ta’ajjala anātā Allāh fi al-ṭalāq ilzimnāhu āyyāhu”

Ertinya: “Wahai manusia, kamu adalah berkewajipan bertenang dan berfikir panjang dalam perkara menjatuhkan talak. Sesungguhnya barang siapa terburu-buru melanggar perintah yang menyuruh bertenang dan berfikir panjang yang telah ditetapkan Allah di dalam talak, kita kenakan dia kepadanya untuk dilakukannya.”

Jadi, ketetapan Saiyidina Umar *radiya Allāhu anhu*, dalam perkara talak (sebagaimana yang telah dijalankan pada zamannya) hanyalah berpegang keapada hukum siasah syarak dengan memandang kepada muslihat-muslihat (perkara-perkara yang mendatangkan kebaikan), dan hanyalah suatu peraturan, yang dijalankan bagi sementara waktu, untuk menjadikan orang-orang yang mempermudahkan talak itu jeran dan tidak mengulangi perbuatannya, dan untuk memperbaiki suatu keadaan yang mendatang dan suatu adat jahat yang telah terheboh pada zaman itu. Dan juga untuk menakutkan orang ramai daripada kesan-kesan dan natijah-natijah mempermain-mainkan talak itu. Saiyidina Umar tidaklah bertujuan hendak menetapkan undang-undang yang berkekalan selama-lamanya bagi orang-orang Islam dan tidak pula hendak mengubah hukum syarak yang telah ditetapkan oleh Allah Ta‘ālā mengenai talak.

Amatlah baiknya langkah yang telah dilakukan oleh negeri Mesir, yang telah menetapkan di dalam undang-undang (nombor 25 bagi tahun 1929) bahawa talak yang disertakan dengan bilangan (misalannya 3 talak dijatuhkan dengan sekaligus P.), baik dengan lafadz atau isyarat, hanyalah jatuh talak satu ju. Mesir sepatutnya janganlah

berpada-pada dengan undang-undang itu sahaja tetapi mengeluarkan lagi undang-undang yang lain yang melarang segala jenis talak yang menyalahi jenis talak yang dinyatakan hukuman di dalam al-Qur'an al-Karim dan al-hadīth al-sharīf, yang kita bayangkan tentang kedudukannya pada bahagian yang lalu. Dan janganlah diakui jenis-jenis talak yang lain dan hendaklah mensifatkan jenis-jenis talak yang lain itu daripada jenis perkataan yang mungkar dan sumpah yang sia-sia. Menjalankan yang demikian itu bermakna menegakkan yang hak dan mengembalikan peraturan talak itu kepada kedudukan yang betul yang telah diperundang-undangkan oleh Islam, dan yang telah terpesong daripadanya oleh orang-orang Islam. Talak itu bukanlah permainan dan hiburan, sehingga seseorang lelaki memandang dirinya memiliki talak menurut apa yang ia kehendaki, bagaimana ia kehendaki, dan bila ia kehendaki. Tetapi talak itu ialah undang-undang yang teratur dengan rapinya daripada Allah Yang Maha Bijaksana, lagi Maha Mengetahui, yang telah diperundang-undangkan oleh Allah ‘Azza wa Jalla bagi hamba-hambanya untuk menahan dari berlakunya sebarang kesukaran, dan untuk menjadi ubat yang mujarab bagi sebarang perbalahan dan perbuatan yang membahayakan yang harus berlaku dalam kalangan keluarga di antara suami isteri. Talak itu pula ditetapkan atas-asasnya oleh Islam, dan telah ditentukan hukum-hukumnya dengan neraca keadilan yang sempurna. Islam telah melarang daripada melampaui hukum-hukum yang tersebut serta memberi amaran keras tentang itu. Oleh yang demikian, ayat-ayat mengenai talak adalah sentiasa berakhir dengan memperingatkan hukum-hukum yang ditentukan Allah dan melarang daripada melampauiinya serta memberi amaran kepada siapa-siapa yang melakukan sebarang perbuatan yang membahayakan.

Oleh sebab itu Allah ‘Azza wa Jalla berfirman pada akhir

an firmannya lagi:

ayat-ayat yang mengenai talak:

“tilka ḥudūdu Allāhi falā ta ‘tadūhā wa man yata ‘adda ḥudūda

“wa tilka ḥudūdu Allāhi yubayyinuhā liqawmin ya ‘lamūn”

(230, Surah Al-Baqarah)

Ertinya: “Dan demikianlah hukum-hukum yang telah

ditentukan Allah, dinyatakannya kepada kaum yang mau mengetahuinya.”

Dan firmannya lagi:

“wa tilka ḥudūdu Allah wa man yata ‘adda ḥudūda Allāh faqad
żalama nafṣah,” (ayat yang pertama, Surah al-ṭalāq.)

Ertinya: “Dan demikianlah hukum-hukum Allah, dan

barang siapa melanggar hukum-hukum yang telah ditentukan

Allah itu maka sesungguhnya dia telah menganiayai akan dirinya
sendiri.”

Dan firmannya lagi:

“wa lā tumsikūhunna ḏirāran lita ‘tadū wa man yaf’al

dhālikā faqad żalama nafṣah wa lā tattahidhū āyāti Allāhi huzuwa”

(231, Surah Al-Baqarah)

Ertinya: “Dan janganlah kamu menahan isteri-isteri

kamu dengan membahayakan mereka kerana dengan cara itu

kamu akan melampaui batas, dan barang siapa berbuat

yang demikian maka ia telah menganiayai dirinya sendiri dan

janganlah kamujadikan perintah-perintah Allah itu permainan.”

Dan firman-Nya lagi:

“wa ‘lamū anna Allāha ya ‘lamu mā fī anfusikum faḥzarūh”

(235, Surah Al-Baqarah)

Ertinya: “Dan ketahuilah kamu, sesungguhnya Allah

mengetahui akan apa yang ada di dalam hati kamu. Oleh

itu berhati-hatilah kamu akan balasannya (jika kamu

melanggar perintahnya).”

Bacalah!

Isteri-isteri Nabi

Dipersesuaikan oleh: Ummum Hassan daripada kitab

Nisā’ al-Nabiy karangan Dr. Bint al-Shati

Sebuah buku yang

menggambarkan dengan sejelas-jelasnya

rumahtangga Rasulullah S.A.W.

yang menjadi

ikutkan dan contoh utama bagi

umat Islam seluruhnya

Sebuah buku yang sangat

penting dibaca, terutama oleh

wanita Islam

Tebalnya 242 muka dan harganya \$2.50 sahaja

tambah belanja mengirimnya 20sen.

Pesanlah kepada penerbitannya:

